

FILIPENSES

Pablo peresugue aarígú Filipos mararê oãdoredea

1 ¹Yu Pablo, Timoteo merã Jesucristore moãboerã aãrã. Irasirirã aãrãpererãrê musãrê Filipos mararê Jesucristore bremurãrê oãdorea. Musã oparãdere, igãsãrê iritamurãdere oãdorea. ²Marĩpu aãrĩnĩgũ, marĩ Opũ Jesucristo musãrê oãrõ iritamu, siuñajãrĩ merã aãrĩrikumakũ iriburo.

Pablo Marĩpũre Jesũre bremurãya aãrĩburire sãrẽbosadea

³Yu musãrê gũnarĩku, Marĩpũre yũ Opũre usũyari sãa. ⁴Irasũ aãrĩmakũ, yũ musãya aãrĩburire sãrẽbosarĩku, Marĩpũre usũyari merã sãrẽa. ⁵Musã neõgoragueta yũ Jesũya kerere weremakũ pé bremunugãdero purũ, yũre iritamunugãbu. Dapaguedere irasũta oãrõ iritamunĩkõãa. ⁶Irasirĩgu ire oãrõ masĩa. Marĩpu musãrê oãrĩrê iridũamakũ irinugãdi irasirĩgu yãmi. Musãrê igũ irinugãderosũta Jesucristo i ãmũgue dupaturi aarĩmakũgue irĩyuarĩkugũkumi. ⁷Yu musãrê aãrĩpererãrê oãrõ gũnarĩ merã gũnamakũ oãgorãa. Musãrê burõ maĩa. Marĩpu yũre iritamurõsũ musãdere iritamumi. Irasirirã, yũ oparãrê Jesús masakare tauri kerere: “Diayeta aãrã”, ãrĩ weremakũ, musã yũre iritamubu. Peresu yũ aãrĩmakũdere iritamubu. Irasirirã marĩ suro merã Marĩpu iritamurĩrê opãa. ⁸Marĩpu ire masĩmi. Jesucristo musãrê gũña maĩrõsũ yude musãrê gũña maĩa. ⁹Marĩpũre musãya aãrĩburire ãsũ ãrĩ sãrẽbosãa. “Guarũ, igũsã mũyare oãrõ masĩrĩ merã oãrõ pãkũĩnũpeoburo,

gajerãrê maĩdero nemorõ maĩnemoburo”, ãrĩ sãrẽbosãa. ¹⁰Irire irasirirã: “Marĩpu gããmerĩrê irirã, gajino nemorõ irĩre irirã yãa”, ãrĩ, oãrĩrê beyemasĩrãkoa. Musã irire beyemasĩrã, Cristo i ãmũgue dupaturi aarĩmakũ, oãrĩrê irinĩnerã, waja opamerã aãrĩrãkoa. ¹¹Jesucristo musãrê Marĩpu gããmerĩ direta irĩmakũ irĩgũkumi. Irasirirã oãrĩrê irinĩnerã aãrĩrãkoa. Gajerã igũrê: “Marĩpu oãtarĩgu, turatarĩgu aãrĩmi”, ãrĩ, bremumakũ irirãkoa.

Pablo igũ Cristoyagu aãrĩrĩrê gojadea

¹²Yaarã, ire musã masĩmakũ gããmea. Daporare yũ peresugue aãrĩkererũ, Jesucristo masakare tauri kere garũ pãnemosũa. ¹³Irasirirã aãrĩpererã surara romano marã opũya wii korerã yũ Cristoyagu aãrĩrĩ waja peresugue dobobĩaire masĩperekõãma. Aãrĩpererã gajerãde irire masĩma. ¹⁴Yu peresugue aãrĩkererũ marĩ Opũ Jesũre gũñaturari merã bremumakũ iãrã, wãrã marĩyarãde gũñaturari merã igũrê bremunemoma. Irasũ bremurã, gũiro marĩrõ Marĩpũya kerere gajerãrê werema.

¹⁵Surãyeri Cristoyare buerã aãrĩkererã, yũre iãturima. Masakare yũ buerire tũyabĩrimakũ iridũama. Gajerã garũ oãrõ gũnarĩ merã Cristoyare buema. ¹⁶⁻¹⁷Jesucristo masakare tauri kerere: “Diaye aãrã”, ãrĩ wereburire Marĩpu yũre pĩdeare oãrõ masĩma. Irasirirã yũre maĩrã Cristoyare buema. Gajerã garũ yũre iãturirã, masakare igũsã gapũre tũyamakũ gããmerã igũsãde Cristoyare buema. Yu peresugue aãrĩmakũ, igũsã yũre bujaweremakũ iridũarã, irasũ yãma. ¹⁸Igũsã yũre maĩbirĩkererũ

ōārokoa. Ōārō gūñarī marīrō Cristoyare buekerepuru ōāgorāa. Gajerā ōārō gūñarī merā īgūyare buemakūdere ōāgorāa. Āārīpererā īgūsā Cristoyareta buerā yāma. Irasirigu usuyāa. Irasū usuyanikōāgukoa.

¹⁹Ire masīa. Marīpure yaa āārīburire musā sērēbosadea merā, Jesucristo yure Ōāgū deymarīgū sīdi iritamurī merā Marīpu yure ōārō tarimakū irigukumi. ²⁰Marīpu iritamurī merā āsūta irinikōāduāa dapa. Yu irideare gūyāsīrō marīrō gūñaduāa. Irasirigu doyarō marīrō yu iriderosūta dapaguedere masaka Cristore: “Ōātarīgu, turatarīgu āārīmī”, āri būremumakū irinikōāduāa. Boagu, o okagugora yu boari merā, o yu okari merā irasūta iriduakoa. ²¹Yu okaro bokatiūrō Cristoyare irinikōāgukoa dapa. Boagu, Cristo puro īgū merā āārīmakū ōātarirokoa. Yu okagu āārīdero nemorō āārīgukoa. ²²Okagu, marī Opu Cristoyamarē irinemomasīa. Irasirigu: “Boamakū, o okamakū ōāgorarōkoa”, ārimasībirikoa. ²³“Yu boaduakoa, o okaduakoa”, āri beyemakū diasagorāa yure. Irasū āārīkerepuru, boaduakoa Cristo puro īgū merā āārību. Irasirigu: “Yu boamakū ōātarirokoa”, āri gūñāa. ²⁴Irasū āārīkerepuru: “Okagu gapu musārē nemorō iritamugukoa, irasiriro gāāmea”, āri gūñāa. ²⁵Irire masīgū, musā merā yu āārīburidere masīa. Musā merā āārīgū, musārē iritamugukoa Cristoyare būremunemoburo, ārīgū. Irasirirā būremurī merā nemorō usuyarākoa. ²⁶Yu, musā pūroge musā merā dupaturi āārīmakū, usuyarākoa. Irasirirā, Jesucristo yure iritamurīrē masīrā, īgūrē: “Turataria mu”, āri, usuyari sīrākoa.

²⁷I direta irika! Cristoya bueri āārīrosūta āārīrikuka! Gūñaturarā āārīka! Irasirirā gāme dukawarīro marīrō īgū masakare tauri kerere suro gūñarī merā bueka, gajerā īgūrē būremuburo, ārīrā! Yu musā puro īāgū waabirimakū, o yu īāgū waamakūdere musā irasirimakū gāāmea. Musā suro gūñarī merā ōārō

āārīrikumakū péduāa. ²⁸Musārē īaturirārē neō gūibirikōāka! Musā gūibirimakū īārā, musā Marīpuyarā āārīrīrē masīrākuma. Irasirirā, Marīpu īgūsārē peamege beoburire, īgū musārē tauburidere masīrākuma. Marīpu masakare āsūta irire masīmakū yāmi. ²⁹Marīputa musārē Cristore būremudoregu pīdi āārīmī. Irasū āārīmakū: “Cristoyare musā wereri waja ñerō tarīrākoa”, āri pīdi āārīmī. ³⁰Irasirirā marī Cristoyarā āārīrī waja gajerā marīrē ñerō yāma. Musā merā yu āārīmakū, yure īgūsā ñerō irasirimakū īābu. Daporadere īgūsā yure irasiririre pékoa musā.

**Cristo i ūmugue marī irirosū
dupukugu āārīpererā Opu
āārīrīmarē gojadea**

2 ¹Cristo musārē īgūyarārē gūñaturamakū yāmi. Īgū musārē maīgū ōārō yūjupūrākuri merā usuyamakū yāmi. Ōāgū deymarīgū musā merā āārīmī. Marīpu īgū musārē maīrīrē, īgū musārē bopoñari merā īārīrē masīmakū yāmi. ²Irasirirā yure usuyari opatarimakū irika! Surosū gūñarī merā ōārō āārīrikuka! Surosū gāme maīka! Surosū ōārō yūjupūrākuri merā ōārō āārīka! ³Musāyama direta gūñarikuri marīrō: “Gajerā nemorō āārā”, āri gūñarī marīrō masakare ōārō irika! Gajerā gapure: “Īgūsā nemorō āārībea”, āri gūñaka! Būremurī merā īgūsārē: “Gua nemorō ōārā āārīma”, āri gūñaka! ⁴Musāyā āārīburi direta gūñabirikōāka! Gajerāyā āārīburidere gūñaka! Gāme iritamuka!

⁵Jesucristo īgūyamarē gūñaderosūta musāde musāyamarē gūñaka! ⁶Īgū Marīpu āārīrikurire opakeregu, i ūmugue aarīgū, Marīpure: “Yu ūmugasigū āārīrikurire pībirikoa”, ārībirīdi āārīmī. ⁷Irasirigu īgū Opu āārīrīrē piri, i ūmugue aarīgū marī irirosū dupukugu deyoa, moārīmasū irirosū āārīdi āārīmī. ⁸Irasirigu marī irirosū dupukugu ubu āārīgū irirosū waadi āārīmī. Īgū Pagu īgūrē masakare

boabosabu iriudeare masîgû, Îgû Pagure yujugû tarinugâbiridi âarîmî. Curusague gûyaisiûrô boakeregu, Îgû Pagure tarinugâbiridi âarîmî. ⁹Îgû irasirimakû, Marîpu Îgûrê: “Âarîpererâ Opû âarîbure sôobu, Îgû wâi yû Îgûrê sîdea wâi, âarîpererâ gajerâ wâi nemorô âârâ”, ârî pîdi âarîmî. ¹⁰Irasirirâ âarîpererâ ûmugasi marâ, i nikû marâ, boanerâ âârîrôgue âârîrâde Jesús wâirê pérâ, ñadukupuri merâ ejaamejâ, Îgûrê buremurâkuma. ¹¹Îgûsâ âarîpererâ: “Jesucristo marî Opû âarîmî”, ârîrâkuma. Irasirirâ Marîpûre buremurâkuma.

**Jesucristore buremurâ Îgûyare
iriro gâamea, ârî gojadea**

¹²Irasirirâ yû maîrâ, musâ merâ yû âarîmakû, musâ Marîpu dorerire iriderosûta daporadere yû yoarogue âarîmakûdere irire ôârô irika! Marîpu musârê peamegue waabonerârê taudi âarîmî. Irasirirâ, Îgû tausûnerâ âarîsîâ: “Gajerâ nemorô âârâ”, ârî gûñarô marîrô goepeyari merâ Îgûyare irinîkôaka! ¹³Âsû âârâ. Marîpu musârê Îgû gâamerîrê iriduamakû yâmi. Irasû âarîmakû, musârê iritamunîkôami, Îgû gâamerôsûta iriburo, ârigû. Irasirirâ, Îgû: “Âsû irika!” ârîderosûta irimasîa.

¹⁴Âarîpererê gajerârê guaseoro marîrô usuyari merâ irika! ¹⁵Musâ Marîpu pûrâ irasirirâ, waja opamerâ, ñerîrê irimerâ âârîrâkôa. I ûmu marâ ñerâ, Marîpûya diayemarê irimerâ watopegue musâ âârâ. Îgûsâ ñerâ i ûmu marâ naîtîârôgue âârîrâ irirosû âarîma. Îgûsâ watopegue musâ Marîpûyare irirâ, neñukâ naîtîârôgue boyorosû irirâ yâa. Îgûsârê musâ Marîpûyarâ âârîrîrê masîmakû yâa. ¹⁶Irasirirâ Cristore buremurâ Marîpu merâ perebiri okari opaburire Îgûsârê wererâ yâa. Yû, musâ irire weremakû Îgû: “Musârê buegu, ubugorata buebirikuyo”, ârî masîgukoa. Cristo i ûmugue dupaturi aarîmakû, musâ merâ usuyagukoa. ¹⁷Yû musârê Cristoyare bueri waja yûre Îgûsâ wêjêduakerepûru, usuyâa. Cristore musâ buremuturamakû, Îgûyare irimâkû Îgû,

Marîpu, musâ Îgûrê gajinorê sîrî merâ usuyarosû musâ merâ usuyami. Irasirigû yude musâ merâ usuyâa. ¹⁸Musâde yûre usuyatamuka!

**Pablo Timoteoyamarê,
Epafroditoyamarê weredea**

¹⁹Marî Opû Jesús gâamemakû, mata Timoteore musâ pûroque iriugura musâ âârîrikurire masîbu. Musâ ôârô âârîrî kerere pégugeta usuyagukoa. ²⁰Timoteo yû irirosûta musâ ôârô âarîburire bûro gûñami. Gajigû Îgû irirosû musâ ôârô âarîburire gûñagû mâmi. ²¹Gajerâ gapû Îgûsâ âarîburi direta gûñarikuma. Jesucristo gâamerî gapure gûñabema. ²²Musâ, Timoteo ôârô irinîrîrê masîa. Sugû, pagu merâ moâgû irirosû Îgû yû merâ Jesucristoya kerere weretamumi. ²³Irasirigû: “Yûre waaburire ôârô masîadero purû, Îgûrê musâ pûroque iriugura”, ârî gûñâa. ²⁴Îgûrê iriduakeregu: “Marî Opû Jesús yûdere iriugukumi, irasirigû mata musâ pûroque waagukoa”, ârî gûñâa.

²⁵Idere ârî gûñâa: “Epafroditodere musâ pûroque iriugura”, ârî gûñâa. Musâ Îgûrê yûre iritamudorerâ, yû pûroque iriunerâ âarîbâ. Îgû, yaagu yû merâ moâgû, Marîpûyare yûre weretamugû âarîmî. ²⁶Îgû musârê âarîpererârê buro îaduami. Îgû pûrîrikudeare musâ masîmakû pégû: “Îgûsâ yûre gûña, bujawerekuma”, ârî gûñarikumi. ²⁷Diayeta âârâ. Îgû bûro pûrîrikumi. Mérôgâ boaboyatarimi. Îgû irasû pûrîrikukerepûru, Marîpu Îgûrê bopoña, tarimakû irimi. Yûdere: “Îgû boamakû bûro bujawerebokumi”, ârigû, Marîpu bopoñarî merâ îami. Irasirigû Îgûrê tarimakû irimi. ²⁸Irasirigû, Îgûrê îa, usûya, gûñaturaburo, ârigû, musâ pûroque dupaturi bûro iriduari merâ iriua. Musâ usuyari kerere pégû, yude usuyagukoa. ²⁹Îgû musâ pûro ejamakû, Îgûrê marî Opû Jesûyagure ôârô usuyari merâ bokatîrîñeaka! Gajerârê Îgû irirosû âârîrârê buremurî merâ îaka! ³⁰Îgû Cristoyare iriduagu boakôadimi. Musâ yûre iritamumasîbirire iriduagu,

irasū waami. Irasirirā īgūrē òārō bokatirīneāka!

Pablo: “Āsū āārīrikuka!” ārī gojadea

3¹ Yaarā, daporare musā marī Opuyarā āārīsīā, usuyaka! Yū iro dupuyurogue musārē gojadeare dupaturi musārē gojamakū òāgorāa, ārī gūñāa. Ire dupaturi gojanemogū, musārē iritamugū yāa. ² Nērō irirārē pémasīka! Īgūsā ñerā keoro buemerā āārīma. Āārīpererārē īgūsāya dupūma gasirogārē wiirdorema. ³ Irasū wiirdorerā: “Iri merā Marīpūre bñremusīā, peamegue waabirīkoa”, ārī gūñadima. Marī gapū Ōāgū deyomarīgū iritamurī merā diayeta Marīpūre bñremua. “Marī Jesucristoyarā āārīsīā, peamegue waabirīkoa”, ārī usuyāa. ⁴ Irasū āārīkerekerepū, yaamarē īgūsā irirosū ārīduagu, īgūsārē tarinugākōābokuyo. Gajerā āsūta ārī tarinugākōāduama. Yū gapū īgūsā nemorō ārimasīa. ⁵ Āsū ārā yūre. Su mojomā pere gajī mojó űreru pērebejanurī waarō merā yū deyoadero pū, yaa dupūma gasirogārē wiirinerā āārīmā. Yū Israemū, Benjamīya bumū āārā. Yū pagūsāmarāde hebreo masaka āārīnerā āārīmā. Irasirigū hebreo masakūta āārā. Moisés dorerire iripeoduagu fariseo bumū āārībū. ⁶ Iri dorerire tarinugārō marīrō iriunabu. Neō sugū yūre: “Iri dorerire keoro iribemi”, ārīmasībirimi. Irasirigū Jesúre bñremurā gapūre: “Moisés dorerire bñremubema”, ārī gūña, īgūsārē ñerō iriunabu. ⁷ Iripoegure: “Yū āārīrikūrīre òāgorāa”, ārī gūñaunadibū. Daporare: “Jesucristore bñremusīā, āārīpereri yū iripoegue iriunadeama wajamāa”, ārī gūñāa.

⁸ Jesucristore yū Opūre yū masīmakū òātaria. “Gajino āārīpereri gapū wajamāa”, ārī gūñāa. Irasirigū, masaka gajino gāāmebirire beorosū iri āārīpereri yū iriunadeare béobu. Cristore òārō masību, īgūyagu āārību irasirību. ⁹ Jesucristo yū merā āārīnīmakū gāāmea. Marīpū īgū Moisére doreri pīdeare yū iridea merā yūre: “Waja opabi,

òāgū āārīmi”, ārī īābemi. Jesucristo gapūre yū bñremumakū: “Waja opabi, òāgū āārīmi”, ārī īāmi. Marī īgūrē bñremumakū, Marīpū marīrē waja opamerā òārā āārīmakū yāmi. ¹⁰ Irasirigū Cristore òārō masīduakoa. Cristo ñerō tarikeregu, Marīpū gāāmerīrē iridi āārīmī. Irasirigū curusague boadi āārīmī. Īgū iriderosūta yūde ñerō tarikeregu, Marīpū gāāmerīrē iriduakoa. Boagugue irire iriduakoa. Marīpū īgū turari merā Cristo boadiguerē masūdi āārīmī. Irasirigū iri turari merā Marīpū gāāmerīrē iriduakoa. ¹¹ “Marīpū īgū boanerārē masūrīnu ejamakū, Cristore masūderosūta, yūdere masūgukumi”, ārī gūñāa. Yūre irasirīmakū bñro gāāmea.

¹² Āārīpereri irasū ārīgū: “Cristo irirosū Marīpū gāāmerīrē iripeosīā”, ārīgū meta yāa. Yū irasirībirīkerekerepū, Cristo yūre īgūyagu āārīmakū irisiadi āārīmī. Irasirigū īgū irirosū āārīduagu turaro merā īgūyare yāa. ¹³ Yaarā, yū musārē irasū ārīgū: “Cristo irirosū āārīgū īgūyare iripeosīā”, ārīgū meta yāa. Āsū gapū ārīgū yāa. Yū iripoegue iriunadeare gūñabea. “Yū Opū, čnaásū irimakū gāāmerī yūre?” ārīgū, bñro īgūyare irituyāa. ¹⁴ Ūma birarimasū ejapurorīgu wajataduarosū īgūyare bñro iripeodūāa. Marīpū īgū gāāmerī dīreta irīburo, ārīgū, yūre Jesucristoyagure űmugasigū īgū merā āārīdoregu siudi āārīmī. Irasirigū irire bñro iriduagu Cristoyare turaro merā yāa.

¹⁵ Āārīpererā Cristore òārō bñremurā yū ārīrosūta gūñarō gāāmea. Musā yū weredeare péduabirīmakū, gajerosū musā gūñamakū, Marīpū musārē diaye gūñamakū iritamugukumi. ¹⁶ Irasirirā Cristoyare marī irituyaderosūta òārō gūña, irituyarā!

¹⁷ Yaarā, musā āārīpererā yū irīrikūrīre īākūituyaka! Gajerā gūa irirosū irirārē īgūsā iriridere īākūika! ¹⁸ Yū musārē wāri gajerā ñerō iririre weresiabu. Daporadere oreri merā īgūsārēta werea musārē doja. Īgūsā ñerō iriri merā: “Cristo, marī ñerō iridea

waja curusague boabosadi aarími”, ari buerire bñremumerā aaríma. ¹⁹Ígūsā pñrũguere peamegue waadedirirākuma. Marĩpũre bñremumerā ígūsā ũaribejari direta irirā yáma. Gũyasĩrĩrō marĩrō: “Marĩ iriri ōarĩ aārā”, aarĩarinũgāma. I ũmũma direta gũñama. ²⁰Marĩ gapũre marĩya makā ũmũgasigue aārā. Irogue merāta marĩrē taugũ marĩ Opũ Jesucristo dupaturi aarĩgũkumi. Irasirirā ígũ aariburire ũsuyari merā yūrā yáa. ²¹Marĩrē ígũ turari merā marĩya dupũre ubu aārĩrĩ dupũre ígũya dupũ irirosũ ōarĩ ũmũgasima dupũ gorawayugũkumi. Iri turari merā aārĩpererārē, aārĩpererire doregũkumi.

Marĩ Opũ Jesucristo merā ũsuyanĩkōōaka! aarĩ gojadea

4 ¹Irasirirā yaarā yũ maĩrā, buro yũ gũñarā, yũre ũsuyamakũ irirā, neō piriro marĩrō gũñaturari merā marĩ Opũre bñremunĩkōōaka!

²Evodiare, Sĩntiquere ire weregũra: “Mũsā Jesũyarā nome aārā. Irasirirā mũsā gāme guaseorire piri, ōarō sũrosũ gũñarĩ merā aārĩrikũka!” ³Yũ merāmũ, mudere yũ merā ōarō moāgũrē weregũra: “Ígūsā nomerē iritamuka!” Yũ, Clemente merā, gajerā yũ wapikurā merā Jesũ masakare tauri kerere weremakũ, ígūsā nome guare ōarō iritamuma. Ígūsā wāĩrē, Marĩpũ merā perebiri okari opamurā wāĩrē gojatũri pũgue gojatũsũnerā aarĩma.

⁴Mũsā marĩ Opũyarā aarĩsĩā, ígũ merā ũsuyanĩkōōaka! Dupaturi werenemogũra doja. Piriro marĩrō ũsuyanĩkōōaka!

⁵Mũsā gajerārē bopoñarĩ merā ōarō iritamurĩrē aārĩpererā masaka iāmasĩburo. Marĩ Opũ Jesucristo i ũmũgue dupaturi aarĩburo mērō dũyáa.

⁶Mũsārē gajerosũ waarĩre bujawereri merā gũnarĩkũbirĩkōōaka! Āsũ gapũ irika! Aārĩpereri mũsārē waarĩre Marĩpũre werepeokōōaka! Mũsā gāamerĩrē ígũrē sērēka! Ígũrē sērērā: “Ōāa”, aarĩ, ũsuyari sika! ⁷Mũsā irasirimakũ, Marĩpũ mũsārē siuñajārĩ merā aārĩrikũmakũ irigũkumi. Ígũ irasũ iriri ōataria. Marĩ irire neō

pemasĩpeobiriko. Marĩ Jesucristoyarā aarĩmakũ, Marĩpũ ígũ siuñajārĩ sĩrĩ merā marĩrē ōarō yũpũpũrākũmakũ irigũkumi. Irasũ aarĩmakũ, marĩ gũnarĩguere ōarĩ gũnamakũ irigũkumi.

Ōarĩ direta gũñarō gāamea, aarĩ gojadea

⁸Yaarā, mũsārē ire weretũnugũra. Aārĩpereri diayema aārĩrĩrē, Marĩpũyare gopeyari merā bñremurĩrē, diayemarē iririre, ōarĩrē, Marĩpũ: “Ōarĩ aārā”, aarĩ iārĩrē, ígũ iũrō keoro iririre, ígũrē: “Mũ iriri, ōatariri aārā”, aarĩ, ũsuyari sĩrĩrē gũñaka! I aārĩpererire gũñaka irire irimurā!

⁹Yũ mũsā merā aārĩgĩgũ, mũsārē yũ buederosũta, yũ werederosũta, yũ iriderosũta irinĩkōōaka! Mũsā irasirimakũ, Marĩpũ mũsārē siuñajārĩ merā aārĩrikũmakũ irigũ mũsā merā aarĩgũkumi.

Filipo marā Pablöre iritamudea

¹⁰Mũsā yoadero pñrũgue dupaturi yũre gũñarā, mũsā iritamurĩrē buro ũsuyagu, marĩ Opũ Jesucristore: “Ōāa”, aarĩ, ũsuyari sĩa. “Mũsā yũre katiakōābu”, aarĩgũ meta yáa. Mũsā yũre iritamuduakerepũrũ, iritamumasĩña marĩbu. ¹¹Mũsārē irasũ aarĩgũ: “Gajino yũ gāamerĩrē opabea”, aarĩgũ meta yáa. Yũ opari merā ũsuyamasĩa. ¹²Gajinorē opabide, wārĩ opagũde ōarō ũsuyari merā aarĩmasĩa. Noō waarō ōarō ũsuyari merā aarĩmasĩa. Ũboagũde, yapigũde, wārĩ opatarĩgũde, opabide ũsuyamasĩa. ¹³Cristo yũre turamakũ irigũ merā aarĩpererire yũ irasũ waarĩre bokatĩũmasĩa. ¹⁴Yũ irasũ aarĩkerekerepũrũ, yũ ñerō tarĩripoe mũsā yũre iritamurā, ōarō iribu.

¹⁵Mũsā Filipo marā ire masĩa. Yũ Macedonia nikũ mũsāya nikũ aarĩrĩdi Jesũ masakare tauri kerere weregũ waagorenanũgāmakũ, mũsā dita yũre iritamubu. Mũsārē yũ Jesũyare buemakũ, ũsuyari merā pēbu. Irasirirā yure iritamubu. ¹⁶Mũsā, yũ Tesalónicague aarĩmakũ, yũre

iritamunabu. Irasirirā gajino yu
 gāāmerirē iriunabu. ¹⁷Yu musārē gajino
 sīuro dita gāāmegū meta yāa. Marīpu
 iūrō gajerārē musā iritamudea merā
 nemorō ĩgūya oārī opanemomakū
 gāāmea. Musā irasū iritamumakū,
 Marīpu musārē oārō iritamugukumi.
¹⁸Musā yure yu gāāmerī āārīpereri sību.
 Musā Epafrodito merā yure iriudero
 pūru, nemorō yu gāāmerī āārīpererire
 opāa. Musā yure sīdea, Marīpure
 sīdea irirosū āārā. Musā irasiriri
 merā Marīpure oārō usuyamakū yāa.
¹⁹Marīpu yu Opū āārīpereri musā
 gāāmerīnorē musārē sīgukumi. ĩgū wāri
 oārī oparire Jesucristo merā musārē

sīgukumi. ĩgū musārē sīburi oātaria.
²⁰Ūmārikū piriro marīrō marī Opū
 Marīpure usuyari sīnīrā! Irasūta irirā!

Pablo oādoretūnudea

²¹Āārīpererā Marīpuyarā Jesucristore
 būremurā oāburo. Marīyarā Jesúre
 būremurā yu merā āārīrā musārē
 oādorema. ²²Āārīpererā oō marā
 Marīpuyarā musārē oādorema.
 Marīpuyarā romano marā opūya wii
 āārīrāde būro oādorema.

²³Marī Opū Jesucristo musā
 āārīpererārē oārō iritamuburo.
 Iropāta āārā.
 Pablo